



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

11 մարտի 2024 թվական

ք.Երևան

ՀՀ Վճռաբեկ դատարանի նախագահ Լիլիթ Թադևոսյանս, ՀՀ Վճռաբեկ դատարանի քրեական պալատի նախագահին փոխարինող Արթուր Պողոսյանս, ՀՀ Վճռաբեկ դատարանի հակակոռուպցիոն պալատի նախագահ Արթուր Դավթյանս, ուսումնասիրելով թիվ ԵԴՆ/0317/01/24 (ՀԿԴ/0015/01/24) քրեական վարույթի ընդդատության հարցը լուծելու համար ՀՀ Վճռաբեկ դատարան ուղարկելու մասին Երևան քաղաքի առաջին ատյանի ընդհանուր իրավասության քրեական դատարանի՝ 2024 թվականի փետրվարի 22-ի որոշումը,

Պ Ա Ր Զ Ե Ց Ի Ն Ք

Վարույթի դատավարական նախապատմությունը.

1. 2024 թվականի փետրվարի 1-ին Հակակոռուպցիոն դատարանում ստացվել է Հովիկ Շահմարի Գաբրիելյանի վերաբերյալ 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ ՀՀ քրեական օրենսգիրք) 375-րդ հոդվածի 4-րդ մասով թիվ 90161723 (ՀԿԴ/0015/01/24) քրեական վարույթը:

1.1. Հակակոռուպցիոն դատարանը 2024 թվականի փետրվարի 2-ին որոշում է կայացրել թիվ ՀԿԴ/0015/01/24 քրեական վարույթը ստանձնելու և 2024 թվականի փետրվարի 8-ին նախնական դատախազներ նշանակելու մասին:

1.2. Հակակոռուպցիոն դատարանը, 2024 թվականի փետրվարին 13-ին՝ նախնական դատախազների ընթացքում, որոշում է կայացրել քրեական վարույթն ըստ ընդդատության Երևան քաղաքի առաջին ատյանի ընդհանուր իրավասության քրեական դատարան փոխանցելու մասին:

2. Երևան քաղաքի առաջին ատյանի ընդհանուր իրավասության քրեական դատարանը 2024 թվականի փետրվարի 22-ին որոշում է կայացրել թիվ ԵԴ1/0317/01/24 (ՀԿԴ/0015/01/24) քրեական վարույթը Վճռաբեկ դատարան ուղարկելու մասին՝ ընդդատության հարցը լուծելու համար:

3. Քրեական վարույթը Վճռաբեկ դատարանում ստացվել է 2024 թվականի փետրվարի 27-ին:

Ընդդատության վերաբերյալ հարցը լուծելու համար էական նշանակություն ունեցող փաստական հանգամանքները.

4. 2024 թվականի հունվարի 22-ի որոշմամբ Հովիկ Շահմարի Գաբրիելյանի նկատմամբ ՀՀ քրեական օրենսգրքի 375-րդ հոդվածի 4-րդ մասով հանրային քրեական հետապնդում է հարուցվել այն բանի համար, որ «նա 2019թ. փետրվարի 04-ից մինչև 2020 թվականի հոկտեմբերի 26-ը զբաղեցնելով ՀՀ ՊՆ 1-ին բանակային կորպուսի 2-րդ առանձին զրահատրանսկային գումարտակի (ՀՀ ՊՆ 60369 զորամաս) հրամանատարի պաշտոնը, կոչումով՝ փոխգնդապետ, կոչման և պաշտոնի բերումով հանդիսանալով վերը նշված գումարտակի բոլոր զինձառայողների ուղղակի պետը, 2020թ. սեպտեմբերի 27-ին ՀՀ կառավարության կողմից թիվ 1586-Ն որոշմամբ հայտարարված ոսպնակային դրոշմի պայմաններում հակառակորդի հետ անմիջական մարտի չբռնվելու և պաշտպանական բնագիծը թողնելու անձնական այլ շահագրգռվածությամբ չարաշահել է իր պաշտոնական դիրքը՝ իր իշխանական, ծառայողական լիազորությունները և դրանցով պայմանավորված ազդեցությունն օգտագործել է ի

վնաս պերական ու ծառայողական շահերի, մասնավորապես՝ ի կարարումն իր հանցավոր նպարակների՝ վերադաս հրամանատարությանն իրականությանը չհամապարասահանող զեկույցներ է ներկայացրել իր պաշտպանության բնագծի աջ և ձախ թևերով հակառակորդի ներթափանցման, ինչպես նաև իր տրամադրության տակ գրնվող սպառազինության բացակայության մասին, ինչից հետո վերադաս հրամանատարությունից սրանալով զբաղեցրած բնագիծը չթողնելու և պաշտպանությունը շարունակելու՝ ոսդիոկասի միջոցով տրված հրաման, առանց ալագ պերի թույլտվության և տվյալ պարագայում առանց հիմնավոր անհրաժեշտության, նահանջի հրաման է տվել ենթակա սրորարաժանմանն ու դիտավորությամբ թողել զբաղեցրած պաշտպանական բնագիծը, որպիսի գործողություններն անգգուշությամբ առաջացրել են ոսգմական գույքի, տեխնիկայի ոչնչացում և այլ ծանր հետևանքներ (...):»¹:

5. Հակակոռուպցիոն դատարանը 2024 թվականի փետրվարին 13-ի որոշմամբ արձանագրել է հետևյալը. «(...) 2024 թվականի հունվարի 16-ին ընդունված և 2024 թվականի փետրվարի 6-ին ուժի մեջ մտած «ՀՀ քրեական օրենսգրքում լրացումներ և փոփոխություններ կարարելու մասին» ՀՕ-31-Ն օրենքի համաձայն՝

«(...) Հոդված 7. Օրենսգրքի հավելված N 1-ում՝

3) «Հոդված 549. Իշխանագանցությունը կամ իշխանությունը չարաշահելը (բացառությամբ երբ արարքը կարարվել է ոչ շահադիտական դրդումներից ելնելով և բոնություն գործադրելով, բոնություն գործադրելու սպառնալիքով կամ զենք կամ հատուկ միջոց օգտագործելով)»:

Վերոգրյալ իրավական նորմերի համակարգային վերլուծության արդյունքում հաշվի առնելով այն հանգամանքը, որ Հովիկ Գաբրիելյանին ներկայացված մեղադրանքի համաձայն՝ վերջինս իր պաշտոնեական դիրքը չարաշահել է անձնական այլ շահագրգռվածությունից ելնելով և ոչ շահադիտական դրդումներով, Դատարանը գրնում է, որ թիվ ՀԿԴ/0015/01/24 վարույթն այլևս ընդդարյա չէ ՀՀ հակակոռուպցիոն դատարանին: Միևնույն ժամանակ, հիմք ընդունելով այն հանգամանքը, որ հիշյալ քրեական գործով նահաարնությունն իրականացվել է ՀՀ

¹ Տե՛ս քրեական վարույթ, հատոր 71, թերթ 38:

քննչական կոմիտեի զինվորական քննչական գլխավոր վարչության ՀԿԳ քննության վարչությունում, որը գտնվում է Երևան քաղաքի Բարայան 4 հասցեում, այսինքն՝ Երևան քաղաքի առաջին արյանի ընդհանուր իրավասության քրեական դատարանի դատական տարածքում, ուստի Դատարանը գտնում է, որ թիվ ՀԿԳ/0015/01/24 վարույթն ընդգայրյա է Երևան քաղաքի առաջին արյանի ընդհանուր իրավասության քրեական դատարանին (...)²:

6. Երևան քաղաքի առաջին ատյանի ընդհանուր իրավասության քրեական դատարանը 2024 թվականի փետրվարի 22-ի որոշմամբ արձանագրել է հետևյալը. «(...) 2024 թվականի հունվարի 16-ին ընդունվել է Հայաստանի Հանրապետության քրեական օրենսգրքում լրացումներ և փոփոխություններ կատարելու մասին թիվ ՀՕ-31-Ն օրենքը (ուժի մեջ է մտել 2024 թվականի փետրվարի 06-ին), որով փոփոխության է ենթարկվել Օրենսգրքի հավելված N 1-ում: Մասնավորապես, ի թիվս այլնի, փոփոխության է ենթարկվել հավելված N 1-ում ընդգրկված ՀՀ քրեական օրենսգրքի 549-րդ հոդվածը, այն է՝ Իշխանազանությունը կամ իշխանությունը չարաշահելը (բացառությամբ երբ արարքը կատարվել է ոչ շահադիպական դրդումներից ելնելով և բռնություն գործադրելով, բռնություն գործադրելու սպառնալիքով կամ զենք կամ հասցուկ միջոց օգտագործելով):

Մեջբերված դրույթի տառացի մեկնարանության արդյունքում կարելի է ողջամիտ հետևության հանգել, որ օրենսդիրը ՀՀ քրեական օրենսգրքի 549-րդ հոդվածը կոռուպցիոն հանցանքի շարքին չի դասում, եթե առկա է երկու պայմանների միաժամանակյա առկայությունը: Դրանք են՝ (1) արարքը պետք է կատարված լինի ոչ շահադիպական դրդումներով, (2) արարքն իր մեջ պետք է պարունակի բռնություն, բռնություն գործադրելու սպառնալիք կամ օգտագործվի զենք կամ հասցուկ միջոց: Օրինակ՝ քննարկվող բացառությունը կլինի այն իրավիճակում, երբ զորամասի հրամանատարը ոչ շահադիպական դրդումներով բռնություն գործադրի զինձառայողի նկատմամբ, քանի որ այն որևէ կերպ չի առնչվում կոռուպցիոն բնույթի այս կամ այն երևույթների հետ, այսինքն, նշված արարքը կոռուպցիոն որևէ տարր չի պարունակի:

² Տե՛ս քրեական վարույթ, հատոր 8, թերթեր 84-89:

Ուշադրության է արժանի այն հանգամանքը, որ նշված դրույթում օգտագործվում է «և» շաղկապը: «Նորմատիվ իրավական ակտերի մասին» ՀՀ օրենքի 16-րդ հոդվածի (Նորմատիվ իրավական ակտում որոշ շաղկապների և բառերի կիրառումը) 1-ին մասում ընդգրկված են այն իրավիճակները երբ նորմատիվ իրավական ակտում նորմի կիրառման համար թվարկված բոլոր պայմանների առկայությունը պարտադիր է, այն է՝ 1) նշված նորմի կիրառումը պայմանավորված է միայն «և» կամ «ու» շաղկապով բաժանված պայմաններով, կամ (...): Նշվածը նույնպես փաստում է այն մասին, որ ՀՀ քրեական օրենսգրքի N 1 հավելվածում ներառված 549-րդ հոդվածը կոռուպցիոն բնույթի հանցանքների շարքից փարանջարելու և ոչ կոռուպցիոն բնույթի արարք համարվելու համար պետք է առկա լինի թվարկված բոլոր պայմանների միաժամանակյա առկայությունը:

Անդրադառնալով վարույթների փոխանցմանն՝ ըստ ընդդարության, սպա Գաբարյանը հարկ է համարում ընդգծել Վճռաբեկ դատարանի նախագահի որոշումներում արտահայտած այն կայուն դիրքորոշումը, որ ընդդարության կանոններն այն չափանիշներն են, որոնց հիման վրա որոշվում է, թե՞ արվյալ գործով որ դատարանը պետք է իրականացնի արդարադարություն: Ընդդարության կանոնները կոչված են անձին զերծ պահելու դատական շրջապարույրից: Վարույթը ըստ ընդդարության փոխանցելիս չպետք է դրսևորվի չափազանց ձևական մոտեցում, և պետք է հաշվի առնվի նաև արդարադարության շահը:

Սույն գործի նյութերի ուսումնասիրությունից ակնհայտ է, որ Հովիկ Շահմարի Գաբրիելյանին մեղսագրվում է արարք՝ պաշտոնեական դիրքի չարաշահում, որը կարարվել է անձնական շահագրգռվածությունից ելնելով, որն անզգուշությամբ առաջացրել է նյութական ծանր հետևանքներ: Այսինքն, նրան վերագրվող մեղադրանքի ծավալում բացակայում է «բռնություն գործադրելով, բռնություն գործադրելու սպառնալիքով կամ զենք կամ հարուկ միջոց օգտագործելով» որակյալ հարկանիշը, ինչն իր հերթին վկայում է այն մասին, որ նշված հանցանքն ընդգրկված է Օրենսգրքի N 1 հավելվածում և համարվում է կոռուպցիոն բնույթի արարք: Հերևարար, դատարանն իր անհամաձայնությունն է արտահայտում ՀՀ

հակակոռուպցիոն դադարանի 2024 թվականի փետրվարի 13-ի որոշմամբ նշված այն պնդմանը, որ թիվ ՀԿԴ/0015/01/24 քրեական գործն ընդհատված է ՀՀ հակակոռուպցիոն դադարանին:

Վերոնշյալից զար, եթե մի պահ պարկերացնենք, որ ՀՀ հակակոռուպցիոն դադարանի որոշումը հիմնավոր է և Հովիկ Գաբրիելյանի վերաբերյալ քրեական գործը կոռուպցիոն բնույթի է, ապա հարկ է փաստել, որ անգամ այդ իրավիճակում ՀՀ Հակակոռուպցիոն դադարանը գործն ըստ առարկայական ընդհատության ուղարկելու մասին որոշում էր կարող կայացնել այն պարճառաբանությամբ, որ ընդհատության կանոնների պահպանմամբ վարույթ ընդունված քրեական գործի (հիշյալ քրեական գործով դադարվոր Վ.Սարգսյանը 2024 թվականի փետրվարի 02-ին որոշում է կայացրել քրեական գործը վարույթ սրանձնելու մասին) ընդհատությունը չի կարող փոխվել՝ ելնելով քրեական վարույթի ընթացքում հետագա օրենսդրական փոփոխություններից:

Այսինքն դադարանը գրնում է, որ գործի քննության ընթացքում քրեական օրենսգրքի համապարասիան հավելվածում փոփոխությունների դեպքում վարույթները չպետք է փոխանցեն ըստ ընդհատության, քանի որ դրանք դադարանի կողմից սրանալու պահին եղել են ճիշտ ընտրված ընդհատությամբ և կանխավարկածը պետք է լինի գործի քննության շարունակությունը Կվյալ դադարանում, այլ ոչ թե այն ըստ ընդհատության փոխանցելը:

Դադարանի այս դարողությունը, ի թիվս այլոց, պայմանավորված է հերկյալ հիմնավորումներով.

ա. ընդհատության կանոնները պետք է զերծ պահեն անձին դարական շրջապարույրից՝ նպաստելով գործի քննության ողջամիտ ժամկետների պահպանմանը և արդյունավետ արդարադարության իրականացմանը,

բ. գործի ընդհատությունը որոշելը, որպես դարավարական գործողություն, որոշվում է այդ գործը սրանալու պահին գործող օրենսգրքի նորմերին համապարասիան և դարավարական նորմի հերադարձության կանոն այդ մասով նախարետված է,

գ. քրեական օրենսգրքի հավելվածի փոփոխությունը համարվում է քրեական օրենքի փոփոխություն, որի վրա լիարժեքորեն տարածվում են քրեական օրենքի հետադարձության կանոնները սահմանող նորմի կարգավորումները: Այս դեպքում հարկ է արձանագրել, որ կոռուպցիոն հանցագործությունները սահմանող հավելվածի փոփոխությունը ոչ՝ մեղմացնող, ոչ՝ խստացնող օրենք է, հետևաբար դրա կիրառությունը հետադարձ կարգով անթույլատրելի է, եթե չկա համապատասխան անցումային դրույթ ընդունված օրենքում: Այլ կերպ՝ քրեական օրենքի փոփոխությունը, որով չի բարելավվում անձի վիճակը, տարածվում է այն ուժի մեջ մտնելուց հետո ծագած իրավահարաբերությունների վրա,

դ. ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ին ընդունված և 2024 թվականի փետրվարի 6-ին ուժի մեջ մտած ՀՕ-31-Ն ՀՀ օրենքը չի նախատեսում անցումային դրույթ, ըստ որի դատարանների վարույթում գրնվող նախկին կոռուպցիոն բնույթի հանցագործությունների վերաբերյալ վարույթները պետք է փոխանցվեն ըստ ընդդատության: Դատարանն ընդգծում է, որ ի տարբերություն օրենսդրության փոփոխության նախկին դեպքերի, երբ օրենսդիրն անցումային դրույթի ուժով կարգավորել էր գործերի փոխանցումը ՀՀ հակակոռուպցիոն դատարան, այս դեպքում նման նորմ չի նախատեսել, ինչը հիմք է տալիս գալ հիմնավոր այն եզրահանգման, որ օրենսդրի կամքն եղել է հիշյալ քրեական վարույթների քննությունը գործը սրացած դատարանում մնալը: Հակառակ դեպքում հնարավոր է սրեղծվի մի իրավիճակ, երբ տարբեր ժամանակներում իրականացված օրենսդրական փոփոխությունների արդյունքում քրեական գործը կհայտնվի անվերջ «շրջապտույտի» մեջ: Օրինակ՝ դատարանում ավարտական փուլում (դատական վիճարանություններ կամ եզրափակիչ ելույթներ) գրնվող քրեական գործը զուտ օրենսդրական փոփոխություններից ելնելով առարկայական ընդդատությամբ ուղարկվի այլ դատարան, իսկ որոշ ժամանակ անց՝ նույն հիմնավորումներով վերադարձվի այն ուղարկված դատարան:

Հիմք ընդունելով վերը նշվածը դատարանը վերահաստատում է իր մտերցումը, որ առարկայական ընդդատության ենթակա գործերի ցանկում

փոփոխության դեպքում գործում է ճիշտ ընդդարձությամբ գործը սրացած դարարանի կողմից գործի քննությունը շարունակելու կանխավարկածը, եթե այլ բան նախատեսված չէ համապարասիան ընդունված նոր օրենքով: Նման մտրեցումը միտված է ապահովելու ընդդարձության որոշման կանոնի կայունության հարկանիշը, ինչը պետք է բացառի քրեական գործերի ձևական հիմքերով «միգրացիան» դարարանների միջև:

Անդրադատնալով այն հավանական փաստարկին, ըստ որի քրեական դարավարության օրենսգիրքը թույլատրում է քրեական գործը ընդդարձությամբ ուղարկել ցանկացած փուլում, արձանագրում է, որ այդ կարգավորումը վերաբերում է միայն գործի քննության ընթացքում ի հայտ եկած նոր փաստերին, այլ ոչ թե օրենքի փոփոխությանը (...)³:

Սույն որոշման հիմնավորումները և եզրահանգումը.

7. Սույն վարույթով բարձրացված իրավական հարցը հետևյալն է. հիմնավոր է արդյոք Երևան քաղաքի առաջին ատյանի ընդհանուր իրավասության քրեական դատարանի հետևությունն այն մասին, որ ԵԴ1/0317/01/24 (ՀԿԴ/0015/01/24) քրեական վարույթն ընդդատյա է Հակակոռուպցիոն դատարանին:

8. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դարարանի կողմից իր գործի արդարացի, հրապարակային և ողջամիտ ժամկետում քննության իրավունք»:

9. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրեղծված անկախ ու անաչառ դարարանի կողմից ողջամիտ ժամկետում արդարացի և հրապարակային դարարանության իրավունք»:

9.1. Մարդու իրավունքների եվրոպական դատարանը, «օրենքի հիման վրա սրեղծված դարարան» հասկացությունը մեկնաբանելիս նշել է. «Այն երկրներում,

³ Տե՛ս քրեական վարույթ, հատոր 8, թերթեր 104-113:

որտեղ օրենքը կողիֆիկացված է, դարական համակարգի կազմակերպումը չի կարող թողնվել դարական մարմինների հայեցողությանը, սակայն դա չի նշանակում, որ դարարաններն օժտված չեն համապարասիան ազգային օրենսդրությունը մեկնաբանելու որոշակի ազատությամբ»⁴:

Միննույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ. «Ներպետական դարական արյանները դարավարական կանոնները կիրառելիս պետք է ձեռնպահ մնան դրանց չափազանցված ձևականացումից, որն իր ազդեցությունը կունենա դարավարության արդարացիության վրա»⁵:

10. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ. «(...) Գործերի պարզաձև ընդդարությունը, որպես արդար դարաքննության անհրաժեշտ քաղկացուցիչ, հիմնարար իրավական արժեք է: Դրա հիմնարար բնույթը բխում է արդար դարաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա ստեղծված դարարան ապահովելու պետության պոզիտիվ պարպականությունից: Իսկ այդ պարպականությունն իր հերթին, ըստ էության, ամրագրված է Հայաստանի Հանրապետության իրավական համակարգում քարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (...), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

Պարզաձև ընդդարության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դարարանի որոշման հարակ կանոնների առկայությունը և դրանց կանխարեսելի գործադրումն անհրաժեշտ պայման են կողմնակի դիրքորդի մոտ այնպիսի համոզմունք ձևավորելու համար, որ

⁴ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

⁵ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

տվյալ կոնկրետ քրեական գործը քննող դատարանը և դատավորը նախատրամադրվածություն չունեն, և տվյալ գործը վարույթ ընդունելիս սուբյեկտիվիզմն ու կամայականությունը բացառված են եղել:

Այսպիսով, քրեական գործերի ընդդատության որոշման հարակ, կամայականությունը բացառող կանոնների ստեղծությունը և գործադրումը պարտադիր նախապայման են արդարադատության մարչելիության պարզաձև երաշխավորման համար (...)⁶:

11. Վերոգրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է իրականացնի արդարադատություն: Ընդդատության կանոնները կոչված են անձին զերծ պահելու դատական շրջապատույտից, որը կարող է առաջանալ, եթե դատարանները հրաժարվեն գործը վարույթ ընդունել՝ իրենց ընդդատյա չլինելու պատճառաբանությամբ:

Ընդդատության ինստիտուտը հիմնարար նշանակություն ունեցող արժեք է, քանի որ այն անմիջականորեն կապված է անձի՝ օրենքի հիման վրա ստեղծված դատարանի կողմից իր գործի քննության իրավունքի հետ: Քրեական վարույթի մասնակիցների համար պետք է կանխատեսելի լինի, թե իրենց գործով որ դատարանը պետք է իրականացնի արդարադատություն:

Անհրաժեշտ է ընդգծել, որ վարույթն ըստ ընդդատության փոխանցելիս, չպետք է դրսևորվի չափազանց ձևական մոտեցում, և պետք է հաշվի առնվի նաև արդարադատության շահը:

12. ՀՀ քրեական դատավարության օրենսգրքի 260-րդ հոդվածի 1-ին մասի համաձայն՝ «Մարզերի առաջին արջանի ընդհանուր իրավասության և Երևան քաղաքի առաջին արջանի ընդհանուր իրավասության քրեական դատարաններին (այսուհետ՝ առաջին արջանի ընդհանուր իրավասության դատարան) ընդդատյա են առաջին արջանի կարգով իրականացվող բոլոր վարույթները, բացառությամբ Հայաստանի Հանրապետության քրեական օրենսգրքի հավելված N 1-ով

⁶ Տե՛ս Վճռաբեկ դատարանի՝ *Քննող Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

նախատեսված կոռուպցիոն հանցանքների վերաբերյալ վարույթների, որոնք ընդդարյա են հակակոռուպցիոն դատարանին»:

ՀՀ քրեական դատավարության օրենսգրքի 263-րդ հոդվածի համաձայն՝ «1.Նախնական դատախոսների ընթացքում պարզելով, որ տվյալ վարույթն ընդդարյա չէ իրեն, դատարանն այն որոշմամբ անհապաղ փոխանցում է ըստ ընդդարյության:

(...)

5. Վարույթն ըստ ընդդարյության սրացած հակակոռուպցիոն կամ առաջին աստիճանի ընդհանուր իրավասության դատարանը մինչև նախնական դատախոսներ նշանակելը ենօրյա ժամկետում որոշում է կայացնում վարույթը Վճռաբեկ դատարան ուղարկելու մասին, եթե համաձայն չէ դրա առարկայական ընդդարյությանը:

(...)

8. Սույն հոդվածի 5-րդ մասով նախատեսված դեպքում Վճռաբեկ դատարանի նախագահը, Վճռաբեկ դատարանի քրեական և հակակոռուպցիոն պալատների նախագահները վարույթը Վճռաբեկ դատարանում սրանալու պահից տասնօրյա ժամկետում վերջնականապես լուծում են վարույթի առարկայական ընդդարյության հարցը՝ ընդհանուր թվի ձայների մեծամասնությամբ ընդունված որոշմամբ: Քվեարկելիս ձեռնպահ մնալ չի թույլատրվում:

9. Սույն հոդվածով սահմանված կարգով որոշված դատարանը համարվում է իրավասու դատարան»:

12.1. «ՀՀ քրեական օրենսգրքում փոփոխություններ և լրացումներ կատարելու մասին» 2024 թվականի հունվարի 16-ի թիվ ՀՕ-31-Ն ՀՀ օրենքի 7-րդ հոդվածի համաձայն՝ «Օրենսգրքի հավելված N 1-ում (...)

«Հոդված 549. Իշխանագանությունը կամ իշխանությունը չարաշահելը» բառերից հետո լրացնել «(բացառությամբ երբ արարքը կատարվել է ոչ շահադիպական դրդումներից ելնելով և բռնություն գործադրելով, բռնություն գործադրելու սպառնալիքով կամ զենք կամ հայրուկ միջոց օգտագործելով)» բառերով»:

12.2. «Նորմատիվ իրավական ակտերի մասին» ՀՀ օրենքի 16-րդ հոդվածի համաձայն՝ «1. Նորմատիվ իրավական ակտում նորմի կիրառման համար թվարկված բոլոր պայմանների առկայությունը պարտադիր է, եթե իրավական ակտում

1) նշված նորմի կիրառումը պայմանավորված է միայն «և» կամ «ու» շաղկապով բաժանված պայմաններով, կամ

2) նշված նորմի կիրառումը պայմանավորված է միայն սրորակերերով բաժանված պայմաններով, կամ

3) նշված նորմի կիրառումը պայմանավորված է սրորակերերով և «և» կամ «ու» շաղկապով բաժանված պայմաններով:

(...)

4. Եթե նորմատիվ իրավական ակտում թվարկված բոլոր պայմաններից բավական է միայն մեկի առկայությունը, ապա չի կարող կիրառվել «և» կամ «ու» շաղկապը, կամ դրանք չեն կարող բաժանվել սրորակերով կամ կերտադրական այլ նշանով»:

12.3. Նշված նորմերի համակարգային վերլուծությունից հետևում է, որ ՀՀ քրեական օրենսգրքի 549-րդ հոդվածը (համապատասխանում է 2003 թվականի ապրիլի 18-ին ընդունված ՀՀ քրեական օրենսգրքի 375-րդ հոդվածին) չի համարվում կոռուպցիոն բնույթի հանցանք՝ հետևյալ պայմանների միաժամանակյա առկայության պարագայում, երբ արարքը կատարվել է՝ ա) ոչ շահադիտական դրդումներից ելնելով, բ) բռնություն գործադրելով, բռնություն գործադրելու սպառնալիքով կամ զենք կամ հատուկ միջոց օգտագործելով: Հետևաբար, նշված պայմաններից որևէ մեկի բացակայության դեպքում, հանցանքը համարվում է կոռուպցիոն բնույթի և ենթակա չէ փոխանցման առաջին ատյանի ընդհանուր իրավասության դատարանին:

13. Սույն վարույթի նյութերի ուսումնասիրությունից երևում է, որ՝

- Հակակոռուպցիոն դատարանը, փաստելով, որ Հովիկ Գաբրիելյանին ներկայացված մեղադրանքի համաձայն՝ վերջինս իր պաշտոնական դիրքը չարաշահել է անձնական այլ շահագրգռվածությունից ելնելով և ոչ շահադիտական

դրդումներով, գտել է, որ թիվ ՀԿԳ/0015/01/24 վարույթն այլևս ընդդատյա չէ Հակակոռուպցիոն դատարանին⁷:

- Երևան քաղաքի առաջին ատյանի ընդհանուր իրավասության քրեական դատարանը, արձանագրելով, որ Հովիկ Գաբրիելյանին վերագրվող մեղադրանքի ծավալում բացակայում է ենթադրյալ հանցանքը *«բռնություն գործադրելով, բռնություն գործադրելու սպառնալիքով կամ զենք կամ հայրուկ միջոց օգտագործելով»* կատարելու որակյալ հատկանիշը, փաստել է, որ ենթադրյալ հանցանքը հանդիսանում է կոռուպցիոն բնույթի:

Երևան քաղաքի առաջին ատյանի ընդհանուր իրավասության քրեական դատարանը նշել է նաև, որ Հակակոռուպցիոն դատարանը գործն ըստ առարկայական ընդդատության ուղարկելու մասին որոշում չէր կարող կայացնել, քանի որ ընդդատության կանոնների պահպանմամբ վարույթ ընդունված քրեական գործի ընդդատությունը չի կարող փոխվել՝ ելնելով քրեական վարույթի ընթացքում հետագա օրենսդրական փոփոխություններից⁸:

14. Նախորդ կետում մեջբերված փաստական հանգամանքները գնահատելով սույն որոշմամբ վկայակոչված իրավադրույթների և արտահայտված իրավական դիրքորոշումների լույսի ներքո՝ պետք է փաստել, որ Հովիկ Գաբրիելյանի նկատմամբ հանրային քրեական հետապնդում հարուցելու մասին որոշման բովանդակությունից հետևում է, որ ՀՀ քրեական օրենսգրքի 549-րդ հոդվածի 1-ին մասով նախատեսված ենթադրյալ հանցանքը *«բռնություն գործադրելով, բռնություն գործադրելու սպառնալիքով կամ զենք կամ հայրուկ միջոց օգտագործելու»* եղանակով կատարելու հատկանիշը Հ. Գաբրիելյանին մեղսագրված չէ, հետևաբար նշված պայմանի բացակայության պայմաններում արարքը շարունակում է համարվել կոռուպցիոն բնույթի:

Հետևաբար, գտնում ենք, որ սույն վարույթը Երևան քաղաքի առաջին ատյանի ընդհանուր իրավասության քրեական դատարանին ընդդատյա լինելու իրավական հիմքը բացակայում է:

⁷ Տե՛ս սույն որոշման 5-րդ կետը:

⁸ Տե՛ս սույն որոշման 6-րդ կետը:

15. Վերոշարադրյալը հիմք է տալիս փաստելու, որ Երևան քաղաքի առաջին ատյանի ընդհանուր իրավասության քրեական դատարանի հետևությունն այն մասին, որ թիվ ԵԴ1/0317/01/24 (ՀԿԴ/0015/01/24) քրեական վարույթն ընդդատյա է Հակակոռուպցիոն դատարանին, հիմնավոր է:

16. Միաժամանակ հարկ է արձանագրել, որ Երևան քաղաքի առաջին ատյանի ընդհանուր իրավասության քրեական դատարանի այն դատողությունը, որ ընդդատության կանոնների պահպանմամբ վարույթ ընդունված քրեական գործի ընդդատությունը չի կարող փոխվել՝ ելնելով քրեական վարույթի ընթացքում հետագա օրենսդրական փոփոխություններից, ընդունելի չէ:

17. Վերոգրյալի հիման վրա գտնում ենք, որ թիվ ԵԴ1/0317/01/24 (ՀԿԴ/0015/01/24) քրեական վարույթն ընդդատյա է Հակակոռուպցիոն դատարանին:

Ղեկավարվելով ՀՀ քրեական դատավարության օրենսգրքի 263-րդ հոդվածի 8-րդ մասով՝

Ո Ր Ո Շ Ե Ց Ի Ն Ք

Հովիկ Շահմարի Գաբրիելյանի վերաբերյալ 2003 թվականի ապրիլի 18-ին ընդունված ՀՀ քրեական օրենսգրքի 375-րդ հոդվածի 4-րդ մասով թիվ ԵԴ1/0317/01/24 (ՀԿԴ/0015/01/24) քրեական վարույթն ընդդատյա է Հակակոռուպցիոն դատարանին:

ՀՀ ՎՃՌԱԲԵԿ
ԴԱՏԱՐԱՆԻ ՆԱԽԱԳԱՀ
ԼԻԼԻԹ ԹԱԴԵՎՈՍՅԱՆ

ՀՀ ՎՃՌԱԲԵԿ
ԴԱՏԱՐԱՆԻ ՔՐԵԱԿԱՆ
ՊԱԼԱՏԻ ՆԱԽԱԳԱՀԻՆ
ՓՈԽԱՐԻՆՈՂ
ԱՐԹՈՒՐ ՊՈՂՈՍՅԱՆ

ՀՀ ՎՃՌԱԲԵԿ
ԴԱՏԱՐԱՆԻ
ՀԱԿԱԿՈՐՈՒՊՑԻՈՆ
ՊԱԼԱՏԻ ՆԱԽԱԳԱՀ
ԱՐԹՈՒՐ ԴԱՎԹՅԱՆ